

我今稽首法身佛，無喻難見普遍智，
充滿法界無罣礙，湛然寂靜無等等，
非有非無體真實，亦非多少離數量，
平等無相若虛空，福利自他身如量。

我今稽首報身佛，湛然安住大牟尼，
哀愍化度菩薩眾，處會如日而普照，
三祇積集諸功德，始能圓滿寂靜道，
以大智聲說妙法，垂令獲得平等果。

我今稽首化身佛，菩提樹下成正覺，
或起變現或寂靜，或復住化於十方，
或轉法輪於鹿野，或現大光如火聚，
三塗苦報悉能除，三界無比大牟尼。

如是化身無漏智，我常信解荷三業，
以無量慧大福門，一心垂愍諸眾生，
以今頌讚三身佛，所獲無漏功德種，
願我速證佛菩提，盡引眾生歸正道。

佛三身讚 出自大正藏經冊、757頁